

Nobilissime Domine,

TARDIVS quod gratias
 agam pro insigni munere,
 quo me condecorare di-
 gnatus es, jam me rogante excusavit
 Puteanus noster. Caussam, quam
 attulit, nunc coram sisto, Exerci-
 tationem meam ad Nobil. Salma-
 sium de Calculo, tuo etiam, ut vo-
 veo, litem inter nos componen-
 dam. Istam dum tibi mittendam
 expecto, plus quam vellem tempo-
 ris effluxit. * * * Si pergit can-
 dide mecum agere, non requiret
 in eo, cujus scopus non alius, quam
 veritas, debitam modestiam: quam
 & in tuis, cum ita quid occurrisset,
 admirabatur nuper non minus,
 quam singularem elegantiam, Cl.
 Cartesius. Legi summa cum admi-
 ratio-

ratione tua de Organis. Quan-
 quam verò non ita Suffenus sim,
 ut de iis iudicandi munus, quod
 amicè defers, mihi vindicare susti-
 neam, tamen id affirmare posse vi-
 deor, neminem sanioris iudicii pe-
 dibus non iturum in tuam senten-
 tiam. Imo ex præscripto hic ob-
 tinet eorum usus. Delectavit me
 etiam unicè, comprobari à te,
 quod mihi semper visum, non om-
 nia rejicienda, quæ adversantes ha-
 bent, imo, quæ apud eos bona, re-
 tinenda, quoniam bona. Deus au-
 tor bonorum diu te sospitet, Vir
 Nobilissime, patriæ & literarum
 bono. Dordrecht prid. Eid. Maii.
 clō Io c xli.

Nobiliss. nominis tui cultor

IOH. BEVEROVICIUS.

Nobi-